

## **Новомучениц Евдокии, Дарии, Дарии и Марии Пузовских (18 августа н.ст.)**

На Господи, возвах: стихиры предпразднства, глас 4.

**Стих: Из глубины возвах к Тебе, Господи, // Господи, услыши глас мой.**

Приидите, взыдем со Иисусом, / восходящим на гору святую, / и тамо услышим глас Бога Живаго, / Отца Пребезначальна, / облаком светлым свидетельствующ Божественным Духом / того свойство присносущнаго сыновства, / и, умом просвещаемы, / в свете Свет узрим.

**Стих: Аще беззакония назириши, Господи, Господи, кто постоит? // Яко у Тебе очищение есть.**

Приидите, предликуем, / и себе очистим, / и верно уготовим к Божественному восходу / превышняго Божия жительства, / яко да самовидцы того величества явимся / и славу получим, / юже видети сподобишася апостолов предызбранныи / тайно на горе Фаворстей.

**Стих: Имене ради Твоего потерпех Тя, Господи, потерпе душа моя в слово Твое, // упова душа моя на Господа.**

Приидите ныне, / лучшим изменшеся изменением, / себе наутрие добре уготовим / на гору предвзыти Божию святую, / неизменно Христову славу блистающую узревше / ясно паче солнца, / и, Троичным озаряеми Светом, / о сем прославим того схождение.

**Преподобномученицам стихиры, глас 8:**

**Стих: От стражи утренния до нощи, от стражи утренния, // да уповаёт Израиль на Господа.**

О, преславнаго чудесе! / Днесь новомученицы прославляются / и прелести мрак разгоняется, / вера христианская возвышается / и колеблется нечестие, / радуются вернии и праздник составляют, / вопиюще Христу Богу: // мучеников похвала и победа Ты еси, Всесильне.

**Стих: Яко у Господа милость, и многое у Него избавление, // и Той избавит Израиля от всех беззаконий его.**

Вѣлий еси, Господи, и чудна дела Твоя!// Род верных ныне торжествует:// новоявленные страстотерпицы Евдокия, Дария, Дария и Марія,/ яже немощными телесы,/ силою же Всемогущаго Бога укрепляемы,/ крепче муки претерпеша./ Темже о них Тебе вопиём:// страдальцев похвала и победа Ты еси, Всесильне.

**Глас 6: Стих: Хвалите Господа вси языцы,// похвалите Его вси людие.**

От юности заповедем Божиим внимала еси,/ чистоту духовную усердно хранящи,/ и путь юродства избрала еси, блаженная мати Евдокие,/ в годину же лютую, яко наставница мудрая, многия души к Богу обратила еси./ Ныне, на Небесех в радости непрестанной пребываючи,// воспеваеши воскрешаго Христа.

**Стих: Яко утвердися милость Его на нас,// и истина Господня пребывает во век.**

Прославим днесь другинь верных,/ приснопамятную Дарию,/ велию подвижницу, духом ко Господу пламеневшую,/ и другую Дарию,/ молитву Иисусову непрестанно творившую/ и псалмы по вся дни воспевавшую,/ и Марию смиренную,/ смерть безстрашно приемшую./ Сия четыре, женским немощным естеством/ полки демонския мужески на земли победивша,/ точат исцелений струи// и укрепляют сердца верных.

**Слава, глас 5:**

Все мирское отложивша пристрастие,/ благою же часть избравша,/ матери наша Евдокие, Дарие, Дарие и Марие,/ в воздержании и молитвах,/ бдении и пощении усердно подвизались есте/ и сосуди чистии Святаго Духа явились есте./ Темже, неизреченных чудес дар от Бога приемша,/ молитесь неослабно ко Господу/ мир даровати земли Русстей// и душам нашим велию милость.

**И ныне, предпразднства, глас 5:**

Приидите, взыдем на гору Господню/ и в дом Бога нашего,/ и узрим славу преображения его,/ славу яко Единороднаго от Отца,/ светом приймем Свет/ и, возвышени бывше Духом,/ Троицу Единосущную воспойм во веки.

Вход. Прокімен дне.

### **1. Пророчества Исаина чтение.**

Тако глаголет Господь: вси языцы собращася вкупе, и соберутся князи от них. Кто возвестит сия в них? Или яже от начала, кто слышана сотворит вам? Да приведут свидетели своя и оправдятся, и да услышат, и да рекут истину. Будите Ми свидетели, и Аз Свидетель, глаголет Господь Бог, и отрок, егоже избрах, да познаете и веруете Ми, и разумеете, яко Аз есмь, прежде Мене не бысть ин бог и по Мне не будет. Аз есмь Бог и несть, разве Мене, спасая. Аз возвестих и спасох, уничижих и не бе в вас чуждий. Вы Мне свидетели, и Аз Господь Бог, и еще от начала Аз есмь, и несть от рук Моих избавляя. Сотворю и кто отвратит то? Сие глаголет Господь Бог, избавляя вас, Святой Израилев.

### **2. Премудрости Соломони чтение.**

Праведных души в руке Божией, и не прикоснется их мука. Непщевани быша во очесех безумных умерти, и вменися озлобление исход их. И еже от нас шествие сокрушение, они же суть в мире. Ибо пред лицом человеческим, аще и муку примут, упование их безсмертия исполнено. И в мале наказани бывше, великими благодетельствовани будут: яко Бог искуси я, и обрете их достойны Себе. Яко злато в горниле искуси их: и яко всеплодие жертвенное прият я. И во время посещения их возсияют, и яко искры по стеблию потекут. Судят языком и обладают людьми, и воцарится Господь в них во веки. Надеющиеся Нань разумеют истину, и вернии в любви пребудут Ему. Яко благодать и милость в преподобных Его, и посещение во избранных Его.

### **3. Премудрости Соломони чтение.**

Праведницы во веки живут, и в Господе мзда их, попечение их у Вышняго. Сего ради примут царствие благолепия, и венец доброты от руки Господни: зане десницею покрывает я, и мышцею защитит их. Приимет всеоружие рвение Свое, и вооружит тварь в месть врагом. Облечется в броня правды, и возложит шлем, суд нелицемерен. Приимет щит непобедимый, преподобие: поострит же напрасный гнев оружие: споборет же с Ним мир на безумных. Пойдут праволучныя стрелы молниины, и яко от благокругла лука облаков, на намерение полетят. И от каменометныя ярости, исполнь падут грады. Вознегодует на них вода морская, реки же потопят я нагло. Сопротив станет им дух силы, и яко вихор развеет их: и опустошит всю землю беззаконие, и злодейство превратит престолы сильных. Слышите убо царие и разумеите, навикните судии концов земли. Внушите держащий множества, и

гордящихся о народах язык. Яко дана есть от Господа держава вам, и сила от Вышняго.

### **На литіи стихіра святых, глас 6:**

Все отложивша житійское томлѣние/ и сладость текущую презрѣвша,/ Крест возьмете, яко ѿго Божественное,/ и Христу последоваша,/ и к Небесному покою чудно вселитесь./ О подвижницы и страдальцы блаженныя,/ за Христа тридневная избиения и смерть претерпевшия,/ приидите посреде нас невидимо,/ предначинающа торжество и пѣние,/ и сподобляюща даров невещественных// ваш праздник совершающих святолепно.

### **На стиховне стихіры, глас 4:**

Днесь, вернии, стещитесь/ и общее торжество составите:/ новыя бо явившаяся мученицы,/ дщери преподобнаго Серафима нареченныя,/ обитель Дивеевскую и доныне незримо посещающия// и молящияся о спасении душ наших.

**Стих: Дивен Бог во святых Своих,// Бог Израилев.**

Веры православныя истинныя хранительницы/ и устава церковнаго усердныя блюстительницы,/ велий глад послушания ради терпяща,/ в телесех ваших Христа прославили есте,/ мученицы Евдокіе, Даріе, Даріе и Маріе,/ жестоко бо мучители уды ваша сокрушиша,/ вы же избиения доблественно претерпевша,/ Бога даже до смерти исповѣдали есте.// Того молитесь о спасении душ наших.

**Стих: В церквах благословите Бога,// Господа от источник Израилевых.**

С пострадавшими Христа ради,/ на Небесех предстоящи,/ мученице Евдокіе славная,/ в сонном видении скорбящей девице глаголаша еси:/ плач свой преложи на радость,/ молитву Иисусову в молчании твори непрестанно,/ аз бо посреде Иерусалима Горняго// молюся о спасении душ ваших.

### **Слава, глас 1:**

Живуща по смерти, прехвальныя,/ посещаете вся, притекающия к мощем вашим,/ и от лютых страстей всегда покрываете,/ и от бед избавляете,/ источаете же исцеления/ и спасаете от демонскаго

нахождѣнія,/ просяща Бѣга даровати прегрѣшеній прощѣние// чтущим святую памѣть вашу.

## **И ныне, глас 2**

Иже на горѣ Фавѣрстей/ преобразивыйся во славе, Христѣ Бѣже,/ и показавый ученикомъ Твоимъ/ славу Твоего Божества,/ озари и нас свѣтомъ Твоего познѣнія/ и настави на стезю заповѣдей Твоихъ,/ яко единъ Благъ и Человѣколюбецъ.

## **Тропарь, глас 4:**

Царствія ради Небѣснаго/ миръ и вся яже въ мѣре оставили есте,/ тесноту совершеннаго послушѣнія возлюбивша,/ дивныя подвижницы и Христа ради мученицы/ въ годину лютыхъ испытѣній въ землѣ Нижегородстей процвѣтшия,/ блаженныя матери наша Евдокіе, Даріе, Даріе и Маріе,// молитесь о спасѣнии душъ нашихъ.

## **Тропарь п/п, глас 4:**

Христово преобразѣние предусрящемъ,/ свѣтло торжествующе предпразднственная, вернии, и возопиимъ:/ приспѣ день Божественнаго весѣлія:/ восходитъ на гору Фавѣрскую Владыка,/ Божества Своего облистати красоту.

## **НА УТРЕНИ**

### **По стихословіи седален, глас 4:**

Отъ младенства Христу себѣ обручивши, мученице Евдокіе,/ постомъ, бдѣніемъ и непрестанною молитвою/ даръ прозрѣнія и разсуждѣнія духовнаго стяжала еси,/ темже и по кончинѣ твоей помощь и утѣшѣние подаѣши// всемъ, чтущимъ честная страданія твоя.

Слава, и ныне, предпразднства

Праздникъ пресвѣтелъ Владычень прійде,/ приидите вси, на гору, умно предпочистившесѣ, взыдемъ Фавѣрскую,/ Христа видети.

Величѣние:

Величаемъ васъ,/ святыя мученицы Евдокіе, Даріе, Даріе и Маріе,/ и чтимъ честная страданія ваша,/ яже за Христа// претерпѣли есте.

Псалом избранный:

Бог нам прибежище и сила, помощник в скорбех, обретших ны зело

**По полиелѣи седáлен, глас 8:**

Удивѣшася мѹжеству вáшему, страдалицы,/ ли́цы а́нгельстии и правосла́вных собóри:/ кáко в телесѣ немощнѣм жѣнстем страждущия,/ безплóтныя врагѣ́ силою Дѹха победѣ́сте?/ Тѣмже благодарственно о вас воспе́вають вси Пресвятѹю Трóицу,// явѣвшую в послѣдняя лѣта мѹченицы, дрѣвним равночѣстныя.

Сла́ва, и ны́не

Пра́здник пресвѣтел Владѣ́чень при́де,/ приидѣ́те вси, на го́ру, ѹмно предочѣ́стившеся, взѣ́дем Фаво́рскую,/ Христа́ ви́дети.

Степѣ́нна, 1-й антифо́н 4-го глáса. **Прокѣ́мен, глас 4: Дѣ́вен Бог во святѣ́х Своѣ́х,// Бог Изра́илев.** Стих: В цѣ́рквах благословѣ́те Бо́га, Го́спода от исто́чник Изра́илевых. Вся́кое дыха́ние: Ева́нгелие от Ма́рка, зача́ло 21.

**По 50-м псалмѣ стихѣ́ра, глас 6:**

Днесь па́мять мѹчениц/ Евдо́кѣи, Да́рии, инѣ́я Да́рии и Мари́и соверша́юще,/ досто́йно сих да ублажи́м./ Тѣ́я бо войсти́ну, обнища́вша дѹхом, обогати́шася,/ кро́тки бѣ́вша, зѣ́млю кро́тких насле́доваша,/ пла́кавша, утѣ́шишася,/ алка́вша пра́вды, насы́тишася,/ мѣ́ловавша, поми́лованы бѣ́ша,/ чи́сты бѣ́вша се́рдцем, Бо́га, я́коже мо́щно, узре́ша,/ миротвори́вша, Божѣ́ственного сподо́бишася сыноположе́ния,/ гони́мы же и мѹ́чимы пра́вды ра́ди,/ на Небесе́х ны́не веселя́тся и ра́дуются,/ и приле́жно мо́лятся Го́сподеви// поми́ловатися дѹ́шам на́шим.

**Кано́ны предпра́зднства и святых мучениц, глас 4.**

**Песнь 1**

Ирмо́с: Отве́рзу уста́ моя́,/ и напо́лнятся Дѹ́ха,/ и сло́во отры́гну Цари́це Ма́тери,/ и явлю́ся, свѣ́тло торжеству́я,/ и воспою́, ра́дуясь, То́я чудеса́.

Слава Тебе, Боже наш, слава Тебе.

Да облистáет дóле свет нéбо пáче сóлнца,/ и землѧ да слѣшит  
глагóлы Живáго Бóга, сыновствó преóбразúемаго:/ Отéц бо  
свидéтельствует на горé Фавóрстей.

Слава Тебе, Боже наш, слава Тебе.

Человéк зрímый, но Бог крýемый,/ на Фавóр Христóс восхóдит,  
Божествá зарю обнажáя,/ éже пáче сóлнца, слáвы светлостъмí.

Слава Тебе, Боже наш, слава Тебе.

Разúмно нýне предгрядéт явítися Моисéю Христóс,/ слáвы видéние  
показúя на горé Фавóрстей лицéм к лицу неходáтайственнойо бесéдою,/  
радующесѧ, днесь предпразднуем.

Святии преподобномученицы Евдокие, Дарие, Дарие, Марие, молитесь  
Бога о нас.

Духóвный лик составльше, вёрнии,/ слáвныя страсотёрпицы, я́ко  
светíльники Цёркве, озаряющия сердца, пёсньми почтím,/ véрою и  
любóвию пáмьять их совершáюще.

Святии преподобномученицы Евдокие, Дарие, Дарие, Марие, молитесь  
Бога о нас.

Восхвáлим днесь четверíцу слáвную:/ блажённую Евдокíю, Дáрию,  
инúю Дáрию и Марíю,/ подóбниц дрéвним мучеником пóдвиги и  
страдáнии.

Святии преподобномученицы Евдокие, Дарие, Дарие, Марие, молитесь  
Бога о нас.

В лёта, в нýже огонь любвё ко Христú угáсл есть,/ явíстесѧ,  
мученицы дóблия./ Молíтесѧ, да огонь Божéственныя любвё/ согрéет  
охладевáющая сердца нáша.

## КАТАВАСИЯ, ГЛАС 8

Ирмос: Крест начертáв, Моисéй/ впрáмо жезлóм Чермнóе  
пресечé,/ Изрáилю пешеходящу;/ тóже обрáтно фараóновым  
колеснícам,/ удáрив, совокупí,/ вопреки написáв непобедíмое ору́жие.//  
Тем Христú пойм, Бóгу нáшему, я́ко прослáвился.

### Песнь 3

Ирмос: Твоя песнословцы, Богородице,/ живый и независтный  
Источнике,/ лик себе совокупльшия, духовно утверди,/ в Божественней  
Твоей славе/ венцев славы сподоби.

Слава Тебе, Боже наш, слава Тебе.

Владычествуя тварию всею, виден бысть, зрак раба прием,/ имже  
Божества неприступное сияние учеником показал есть,/ якоже вместилаху  
зрети.

Слава Тебе, Боже наш, слава Тебе.

На гору идет облистати славы Солнце, Христос,/ и свыше сияющую  
денницу омраčiti светом,/ Егоже зарями сияюще, предпразднуим днесь.

Слава Тебе, Боже наш, слава Тебе.

Живота вечнаго исполняя глаголы, предста Христос,/ показуя в себе  
вещи другом разумети, якоже благоволи,/ Отческую славу  
блистающую.

Святии преподобномученицы Евдокие, Дарие, Дарие, Марие, молитесь  
Бога о нас.

Дивна есть, Христэ, держава крепости Твоея!/ Се бо нынешний  
немоцствуяй род Крестом Твоим вооружися/ и силою Твоею сильного  
злобою древняго врага победи.

Святии преподобномученицы Евдокие, Дарие, Дарие, Марие, молитесь  
Бога о нас.

Воспойм вси Евдокию верную,/ от младенства крест вземшую,  
подвиг юродства подъемшую, мудрость же духовную стяжавшую/ и  
путем ангельскаго жития единому Жениху Небесному уневестившуюся.

Святии преподобномученицы Евдокие, Дарие, Дарие, Марие, молитесь  
Бога о нас.

Кротки и незлобивы бывша во всем житии вашем,/ послушанию  
вольно навыкли есте, мученицы Дарие, иная Дарие и Марие,/ сего ради  
на Небесех обрели есте покой./ Молите Бога о душах наших.



Ирмос: Жезл во образ тайны приимлется,/ прозябением бо предразсуждает священника;/ неплодящей же прежде Церкви,/ ныне процветет Древо Креста, // в державу и утверждение.

#### Кондак, глас 4.

**Божественным днесь преображением/ человеческое все естество просиявает божественно, в веселии зовущее:/ преобразуется Христос, спасаяй вся.**

#### Икос:

Преображением Божественным зрак наш, иже древле тлением растленный/ во адовых сокровищах праотца Адама,/ днесь Зиждитель из тли возведет, обожает наш разум,/ пребывает же Бог вкупе и Человек,/ естества каждо соединена нося непреложна же и нераздельна./ Темже ныне на Фаворе несказанно сияет/ и из всея плоти дает лучи Божества Своего, просвещая вопиющих:/ преобразуется Христос, Спасаяй всех.

#### Седален святым, глас 8:

От трудов земных и страданий многовидных/ крылами веры во обители Небесныя возлетели есте, матери богоблаженные,/ идеже Престолу Вседержителя предстоите./ Того о нас молитесь/ прегрешений оставление даровать и душам нашим велию милость.

#### Слава, и ныне, предпразднства

Готовися ныне, Фаворе, се бо грядет Христос,/ Божества зарю паче ума показать на Тебе славным учеником, якоже можаху./ Илиа и Моисей страхом предстояста, облак же Света осеняше,/ и глас слышашеся свыше от Отца Светов, глаголющ:/ Сей есть Сын Мой возлюбленный, Того послушайте.

#### Песнь 4

Ирмос: Седяй в славе на престоле Божества,/ во облаце легце/ прииде Иисус Пребожественный/ Нетленною Дланию и спасе зовущия:/ слава, Христэ, силе Твоей.

Слава Тебе, Боже наш, слава Тебе.

Небѣсный ликъ съ земными радуется и предпразднуетъ Светодавца сияніе,/ ѿже несказанно облистаетъ, изменяя человѣческій зракъ на Фаворе,/ ѿкоже благоволи.

Слава Тебе, Боже нашъ, слава Тебе.

Богочеловѣчнымъ пришествіемъ человекомъ приближився,/ чудесъ зарею миръ тайно просветилъ еси,/ блистающею же славою Божества просіялъ еси на Фаворе неприступнымъ Свѣтомъ.

Слава Тебе, Боже нашъ, слава Тебе.

Иисусъ, Навинъ сынъ, первее солнце устави, прообразуя день Божественныя страсти,/ Самъ же, Спасе, прежде Честнаго Креста Твоего, сиянія скрылъ еси солнца/ зарями Божественными лица Твоего.

Святѣи преподобномученицы Евдокие, Даріе, Даріе, Маріе, молитѣ Бога о насъ.

Во дни и нощи молитвы творяща,/ ни сна очима, ни вѣждома своимъ дреманію не давали есте отнюдъ,/ хладъ и гладъ вольно претерпевающа, мученицы славныя./ Научите насъ молитися прилежно.

Святѣи преподобномученицы Евдокие, Даріе, Даріе, Маріе, молитѣ Бога о насъ.

Радующася, терпѣли есте клеветы и поношенія отъ человекъ/ и различная стрѣлѣнія вражия Христа ради, Жениха Своего,/ да любви Божіея въ міре семъ грѣшномъ возсіяетъ.

Святѣи преподобномученицы Евдокие, Даріе, Даріе, Маріе, молитѣ Бога о насъ.

Помысливши немощную Евдокію оставити,/ девица юная въ сонномъ видѣніи сподобися зрѣти преподобнаго Серафима,/ ѿже Евдокію и служащихъ ей нарече дщерьми своими.

Ирмосъ: Услышахъ, Господи,/ смотрѣнія Твоего таинство,/ разумѣхъ дѣла Твоя// и прославихъ Твое Божество.

## Песнь 5

Ирмос: Ужасошася всяческая/ о Божественной славе Твоей:/ Ты бо, Неискусобрачная Деве,/ имела еси во утробе над всеми Богом/ и родила еси Безлетного Сына,/ всем воспевающим Тя/ мир подавающая.

Слава Тебе, Боже наш, слава Тебе.

Христу, радуешься, верно последуем:/ се бо идет к горе, ученики лучшие с Собой ведый,/ пред нимиже непреступною добротою возсияв паче солнца,/ показав славу Свою.

Слава Тебе, Боже наш, слава Тебе.

Да просветится днесь небо светлейте восходом, еже к горе,/ отонудуже облистает Христос непреступным Светом,/ солнечные лучи славою Божества омрачая, яко света Податель.

Слава Тебе, Боже наш, слава Тебе.

Таинство показав Христос учеником на Фаворе, просияв паче зари лицом,/ одеждою же риз Своих убелився светло, яко снег,/ одевайся, яко ризою, светом псаломски.

Святии преподобномученицы Евдокие, Дарие, Дарие, Марие, молитесь Бога о нас.

Мученице Евдокие преславная,/ доньне просвещаеши души человеческия Светом благодати, тебе данные,/ темже и нас, любовьию совершающих всепразднственную память твою,/ от бед и напастей избави.

Святии преподобномученицы Евдокие, Дарие, Дарие, Марие, молитесь Бога о нас.

Жених временного не восхотевши зрети, мученице Дарие,/ избиение от сродник претерпела еси/ и даже до смерти единому Господу дух горящий возносила еси.

Святии преподобномученицы Евдокие, Дарие, Дарие, Марие, молитесь Бога о нас.

В сѣрдце своем хрѣмину благоухѣнну сотвориши,/ и ты, мученице Дѣрие,/ образ истиннаго смиренія и совершеннаго терпѣнія нам явила еси.

Ирмос: О треблаженное Древо,/ на немже распяся Христос, Царь и Господь,/ Имже падѣ древом прельстивый,/ тобою прельстився,/ Богу пригвоздившуся Плотию,// подающему мир душам нашим.

## Песнь 6

Ирмос: Божественное сие и всесчестное/ совершающе празднество,/ Богомудрии, Богоматере,/ приидите, руками восплещим,/ от Нея рождагося Бога славим.

Слава Тебе, Боже наш, слава Тебе.

Чертог славы будущия радости другом готвя,/ восходит на гору Христос,/ к житию Небесному от жизни, долу влекущая, возводя их.

Слава Тебе, Боже наш, слава Тебе.

Удивляя разум Христос учеников, небесное на земли сияние облистѣ,/ закон и пророков раболѣпно представляя начальники,/ ими же мертвым и живым свидѣтельствуется Бог.

Слава Тебе, Боже наш, слава Тебе.

Светильник явиться ныне грядет, Христос,/ в темном месте сиянием Божественнаго блистания,/ Егоче к сиянию идем, прямо лицу его радуящеся.

Святии преподобномученицы Евдокие, Дарие, Дарие, Марие, молитесь Бога о нас.

Четверочисленный страсотерпиц лик/ нам возсия от земли Нижегородския,/ яко звезды на тверди церковней,/ верныя просвещая и прелести тьму разгоняя.

Святии преподобномученицы Евдокие, Дарие, Дарие, Марие, молитесь Бога о нас.

Болѣзней неисцѣльных терпѣнием твердым/ первее победила еси страстей востанія,/ последѣ, пострадавши крепчайше,/ низложила еси злочестивых державу, Евдокие мученице.

Святити преподобномученицы Евдокие, Дарие, Дарие, Марие, молитесь Бога о нас.

Да восхваляются ныне с Евдокией Дария, иная Дария и Мария славныя,/ послушанием и терпением твердым просиявшия,/ Христова винограда розги доброплодные.

Ирмос: Водного зверя во утробе/ длани Иона крестовидно распростер,/ спасительную Страсть проображаше яве./ Тем, тридневен изшед,/ премирное Воскресение прописаше/ Плотию пригвожденнаго Христа Бога// и тридневным Воскресением мир просвещшаго.

### Кондак, глас 6:

Житием праведным/ к достойному приятию мученичества себе уготовиша,/ тридневная избиения и смерть претерпели есте,/ невесты Христовы предивныя,/ блаженные Евдокие, Дарие, иная Дарие и Марие./ Ныне, многими чудесы и исцелении просиявша,/ молитесь прилежно,// да спасет Господь души наша.

### Икос:

Приидите, монашествующих сословие,/ приидите, веры православныя рачителie,/ приидите, празднoлюбцы, всяк возраст,/ пeсньми духовными похвалим молитвенницы наша:/ постников похвалу, печальных утешение,/ недугующих посещение/ и сущим в бедах скорое вспоможение,/ точащих всем исцеления обильно/ и всякое прошение исполняющих./ Имже верно возопием:/ молитесь прилежно,// да спасет Господь души наша.

### Песнь 7

Ирмос: Не послужиша твари Богомудрии/ паче Создавшего,/ но, огненное прещение мужески поправше,/ радовахуся, поюще:/ препетый отец Господь и Бог, благословен еси.

Слава Тебе, Боже наш, слава Тебе.

К преложению от земли, на высоту восходящему, ученик избранию последуем,/ Христово смотряюще странное видение./ Удивльшеся же с ними, возопием:/ Боже, благословен еси.

Слава Тебе, Боже наш, слава Тебе.

Осквѣрншееся очисти́л еси́ естество́ челове́ческое водо́ю же и огнёмъ,/ твоёю плоти́ю сего́ свѣтлость показу́еши, Спа́се,/ лицёмъ Твои́м просия́в па́че со́лнца во о́браз бу́дущия сла́вы.

Слава Тебе, Боже наш, слава Тебе.

Взы́дем со Хри́стом на го́ру святу́ю,/ возводя́щим Зе́ведеевы сы́ны и Петра́ лу́чшаго,/ ихже избра́ сла́ве Своёй свидѣтели, зову́щия:/ Бо́же, благословѣ́н еси́.

Святии преподобномученицы Евдокие, Дарие, Дарие, Марие, молитесь Бога о нас.

Воистину́ побеждѣ́н бысть ва́ми врагъ,/ зѣмлю и мо́ре хваля́йся низпрове́ргнути,/ тверде́йшим адама́нта терпе́нием попра́сте того́,/ Христа́ в себѣ иму́ща, непобеді́мыя,/ Его́же воспева́ли есте́:/ отце́в Бо́же, благословѣ́н еси́.

Святии преподобномученицы Евдокие, Дарие, Дарие, Марие, молитесь Бога о нас.

Беззако́ния лю́тая творя́ще,/ подви́жниц Хри́стовых безбо́жницы тща́хуся уби́ти,/ ико́ны же святы́я нога́ми попира́ху,/ о́баче от Ё́верския ико́ны Бо́жия Ма́тере свет возсия́ неизрече́нный всемъ ве́рным, пою́щим:/ отце́в Бо́же, благословѣ́н еси́.

Святии преподобномученицы Евдокие, Дарие, Дарие, Марие, молитесь Бога о нас.

Тридне́вная изби́ения, поруга́ния, и злохуле́ния/ претерпе́ли есте́ му́жественне, страсотѣ́рпицы,/ си́ми бо, я́ко зла́то, искуси́ вас Госпо́дь/ и, я́ко всесо́жжение ту́чно, при́ят./ Ему́же и воспева́ли есте́:/ отце́в Бо́же, благословѣ́н еси́.

Ирмос:            Безу́мное велѣ́ние мучи́теля злочести́ваго лю́ди поколеба́,/ ды́шущее прещѣ́ние и злохуле́ние богоме́рзкое;/ о́баче три о́троки не устращи́ я́рость зве́рская,/ ни огоньъ снеда́яй,/ но противоды́шущу росони́сному Ду́ху,/ со огнёмъ су́ще, по́яху:// Препѣ́тый отце́в и нас Бо́же, благословѣ́н еси́.

## Песнь 8

Ирмос: О́троки благочесті́выя в пещі́/ Рождество́ Богорóдичо спасло́ есть,/ тогда́ у́бо о́бразу́емое,/ ны́не же де́йствуемое,/ вселénную всю воздвизáет пѣти Тебѣ:/ Гóспода по́йте, дела́,/ и превозносите егó во вся вѣки.

Слава Тебе, Боже наш, слава Тебе.

Кто не удиві́тся, Всецарю́ сла́вы, великолéпию сла́вы Твоея́,/ в не́же преобра́жся, показáл еси́ другóм Тво́им,/ Божéственными светлосты́ми облиста́в их?/ С нѣмиже предпразднующих вѣрою уясни́ Свѣтом Тво́им нас, Тя пою́щих.

Слава Тебе, Боже наш, слава Тебе.

Высоту́ Небéснаго житія́ и сла́вы присносу́щныя Божéственное сия́ние да́руй рабо́м Тво́им,/ ны́не предпразднующим Твоегó преобра́жения свѣтлое торжество́,/ в не́же Свет облиста́я, уясня́еши Тя воспева́ющия, Христé Светода́вче.

Слава Тебе, Боже наш, слава Тебе.

Свѣта Подáтель и Свет сый непрису́пен,/ Присносу́щне, Пребезнача́льне, оде́йся Свѣтом, я́коже ризою́,/ свет в мі́ре просія́л еси́, с плóтию пришѣдъ,/ и Свет на горé облиста́еши, сла́вы О́тчия показáв о́браз.

Святии преподобномученицы Евдокие, Дарие, Дарие, Марие, молитесь Бога о нас.

Согласно, вѣрнии, мучениц Марію, Дáрию, иную́ Дáрию с блаже́нною Евдоки́ею воспоймъ,/ я́ко низложительниц врага́ и невест Христо́вых, пою́щих:/ вся дела́ Господня́, Гóспода по́йте и превозносите во вся вѣки.

Святии преподобномученицы Евдокие, Дарие, Дарие, Марие, молитесь Бога о нас.

Святы́я Та́йны Христо́вы в день кончи́ны сподóбилися естé при́яти от рукú иерéя Васи́лия/ и тако́, от Гóспода укрепля́емы, мýжески на смерть потекли́ естé, пою́ща:/ вся дела́ Господня́, Гóспода по́йте и превозносите во вся вѣки.

Святѣи преподобномученицы Евдокиѣ, Даріе, Даріе, Маріе, молитѣ Бога о нас.

Свѣшѣ назирѣюща на совершѣющихъ пѣмѣя вѣшу, венценосицы славы, / ходѣтайствуйтѣ у Всевѣшняго Дароподѣтеля / вѣменная и вѣчная благѣя намъ, зовѣщимъ: / вся дѣла Господня, Господа поѣйтѣ и превозносите во вся вѣки.

Ирмосъ: ХВАЛИМЪ.. Благословите, ѡтроцы, / Троицы равночисленни, / Содѣтеля Отца Бога, / поѣйтѣ снизшедшее Слово, / и огонь в росу претворшее, / и превозносите всемъ жизнь подавѣющаго // Дѣха Всесвятѣаго во вѣки.

### Песнь 9

Ирмосъ: Всякъ земнорѣдный / да възиграѣтѣся, Дѣхомъ просвѣщѣемъ, / да торжествуетъ же Безплѣтныхъ умѣвъ естество, / почитѣющее свящѣнное торжество Богомѣтерѣ, / и да вопіѣтъ: / радуйся, Всеблаженная, Богородице, / Чистая Приснодѣво.

Слава Тебѣ, Боже нашъ, слава Тебѣ.

Радуйся, нѣбо, отъ земли возсияющаго нынѣ проведый, Солнца Незаходимаго, / и славою Божественною покрыти хотѣщаго солнечныя свѣтлости; / земля же да ликуетъ свѣтло, / Небесною зарѣю и свѣтлостію сияющи и свѣтъ бывѣющи.

Слава Тебѣ, Боже нашъ, слава Тебѣ.

Поѣ Давидъ Твое преображеніе, предвозгласи: / кто уподѣбится Тебѣ, Господѣви, глаголя, в сынѣхъ Божиихъ? / Ты бо, прославлялся в совѣтѣхъ святѣхъ, великъ явился еси сущимъ ѡкрестъ Тебѣ, / страшенъ в славе Божественнаго зрака.

Слава Тебѣ, Боже нашъ, слава Тебѣ.

О Слово Божіе, мѣдрость, и сила, и ѡбразъ Отчѣ! / О Боже, разумеѣемый вѣрными, и Человѣчѣ познаѣемый! / Твоего преображенія насъ сподѣби, совершити свѣтлое торжество, / во свѣтѣ добрыхъ дѣлъ сияющихъ.

Святѣи преподобномученицы Евдокиѣ, Даріе, Даріе, Маріе, молитѣ Бога о нас.



Влекóмы на заколéние, мучíteлей вопрошáху страсотéрпицы:/ Христá исповéдахом Бóга и тем лжу вáшу обличíхом,/ за кóе беззакóние без судá хóчете нас убíти?/ Обáче нýне слáвныя мýченицы во слáве Небéсней сияют.

Святии преподобномученицы Евдокие, Дарие, Дарие, Марие, молитесь Бога о нас.

Днесь земля Нижегородская вáшу пáмять прáзднует:/ вы бо явíстеся столпí и божéственная забрáла, и утверждéние,/ моли́твенницы и заступницы нáша, богоблажénныя.

Святии преподобномученицы Евдокие, Дарие, Дарие, Марие, молитесь Бога о нас.

Триипостáсный Бóже наш,/ нóвых мýчениц Твои́х приéмый пóдвиги и преслáвно увенчáвый их,/ тех предстáтельством спасí ра́бы Твоя́/ и сподóби ны вéчно Твою́ держáву слáвити.

Ирмос:           Таин есí, Богорóдице, рай,/ невоздéланно возрастíвший Христá,/ Ёмже крéстное живонóсное на земли́ насадíся Дрэво./ Тем, нýне возносíму,// покланя́ющеся Емý, Тя велича́ем.

### **Светíлен:**

Приимí, Гóсподи, нóвыя мýченицы,/ Евдоки́ю блажénную, Дáрию, инúю Дáрию и Мари́ю,/ я́ко жéртву совершénную, я́ко благовóнный фимиáм, я́ко мíро многоцéнное,/ освящáющее и просвещáющее дýши нáша.

Слáва, и нýне, предпрáзднства

Днесь на Фавóре Христóс Свет облистá,/ днесь свýше шум, глас Отéч, услýшан бысть:/ Сей есть, вопи́я, Сын возлю́бленный Мой.

**На хвалíteх стихíры, глас 6:**

**Стих: Хвалíte Егó на сíлах Егó,/ хвалíte Егó по мнóжеству вели́чества Егó.**

Приидíte, мучениколóбцы вси,/ воспóйм новомýчениц Христóвых,/ Евдоки́ю, Дáрию, инúю Дáрию и Мари́ю,/ сия́ бо явíшася в послéдняя времена́,/ слáва и похвалá Цérкве Рýсския,/ тёплыя предстáтельницы

наша,/ немощствующих врачеве изрядныя,/ скорбящих утешение,// яже молятся, о еже спастися нам.

**Стих: Хвалите Его во гласе трубнем,/ хвалите Его во псалтири и гуслех.**

Приидите, безплотных лица,/ во плоти сущим, спразднуйте нам/ в честней памяти страстотерпиц:/ сия бо, телеса носяща,/ яко безплотныя, Христа ради подвизашася/ и лютых мук не убояшася./ С нимиже молитесь,// о еже спастися нам.

**Стих: Хвалите Его в кимвалех dobroгласных, хвалите Его в кимвалех восклицания./ Всякое дыхание да хвалит Господа.**

Приидите, верных множества,/ восхвалим новыя мученицы и агницы словесныя,/ яже от богоборных властей мужески муки претерпевша,/ теплыя молитвенницы пред Господом явися./ Ныне нас подвизают к славе и хвалению Бога,/ укрепляго их немощное естество/ и обогатившаго даровании Духа,// во спасение душ наших.

### **Слава, глас 8:**

Радуйся, преславная Нижегородская земле,/ ликуй, о Бозе торжествующи,/ тебе бо дадеся многоценное сокровище,/ лик четверочисленный новомучениц, обогативших тя,/ Евдокии, Дарии, иныя Дарии и Марии,/ яже, предстояща Престолу Владычню,/ молятся даровати миру мир// и душам нашим велию милость.

### **И ныне, предпразднства, глас 5**

Закона и пророков/ Тя, Христэ, Творца и Исполнителя свидетельствоваша,/ зряще во облаце,/ Моисей Боговидец и Илия огнеколесничник/ и неопальный небошественник,/ в преображении твоём./ С нимиже и нас просвещения Твоего сподоби, Владыко,/ пети Тя во веки.

## **НА ЛИТУРГИИ**

Блаженны от канона предпразднства, песнь 3-я, и святых, песнь 6-я. Прокимен, глас 4: Дивен Бог во святых Своих,// Бог Израилев. Стих: В церквах благословите Бога, Господа от источник Израилевых. Апостол к Коринфяном, зачало 181. Аллилуия, глас 4: Терпя потерпех Господа, и

внят ми и услыша молитву мою. Евангелие от Марка, зачало 21.  
Причастен: Радуйтесь, праведнии, о Господе:

### Молитва

О дивныя подвижницы и заступницы наша, мученицы Евдокие, Дарие, Дарие и Марие, древних мученик подражательницы истинныя, в тесноте послушания без разсуждения, бдениих многотрудных и постѣ изнурительнем пожившия! Ныне к вам прибегаем и, к мощем вашим припадающе, молимся: о страсотѣрпицы святыя, незлобивыя агницы, своею кровию Христа ради обогрѣнныя и жестокии предатели веры триднѣвно мучимыя и закланныя! О прозорливицы, многія души от погѣбели вѣчныя исхитившия и о страданиих прѣжде кончины от Господа извещѣнныя! О целительницы и чудотворицы не токмо в земли Нижегородстей, но и по всей земли Русстей прославляемыя! Не оставите нас во гресѣх и беззаконіих погѣбнути, но помозѣте в покаянии истиннем житіе наше скончати и достойными явитися славити Святую Троицу, Отца, и Сына, и Святаго Духа, во вѣки веков. Аминь.